



Dimblirugal

Italiik remi konaka decemda va kazara va Roneka al impavantapayad. Tiyyid ometlik is dorjesik is kazik vrebaf gu lusteru is ravaldera va vajeem kapbure arpuma ke remlapira is amuzera va doleks den yona dolebela ke Europa. Gazik ke Franca pu « lombardiaf » ometlik erbabeituyud voxu va pak ke sinaf ziliduxe kan koaykaka dile enomayad. Va « dimblira » ke yona italiyafa widawa is sinyona balpessa cuxega is ribiega ke yamba ke XV-eafa decemda koe Firenze is Venezia is Milano is Roma grupenayad.

Yolt ke Boticelli is Michele Angelo tiyyid sposaf loon dam tel ke italiyaf gejusik. Bak XVI-eafa decemda, Charles VIII gazik ke Franca azu Louis XII azu François I ta dimdigirva va yona konolera yonviele gejayad. Lan gejusik dum Bayard is Gaston de Foix va tuvartawera katectayad.

« Furia francese » (francafa yatkuca) va erbudafa jopa lizukeduna gan widawa ke Italia ta rojura akoyeyer. Soe lana gluyista dotanasa va Giulio II gejus papik (diskis va atsa is leltor) is sokasane ke Venezia is konaka italiyafa soka dum satcon Milano voxis espanafo gazaxo va dulapesa mingara ke francaf gazikeem tere dotwoba.

Voxen sin bal italiyafa stuva va kocabo me tazdayad. Va witafo torlera is ilamkafa vedugera is opa is yamba al karolayad. Va vonera va lesofa raba is redura va tottixo ik ervoiaxo koe Franca gosugayad. Kene Loire bost va yone cuisafe lamone koswane gan italiyafa yamba volmiv veduguyad. Zabdusun va Francafa Rega, François I gazik (1515-1547) va abduaneyara ke opikeem lasugabduaskiyir. Francaf gazik ke bane sare va tupoara va soka lokeskoton malgettisa dene skapind kobaveyed. Ison den aboyikeem ke Franca, va sposaf italiik dum Leonardo da Vinci awalketesi koe vema ke Tours vanimpayad. Targuca ke Italia bak XVI-eafa decemda numen toloye gazikye ke Franca (Henri II azu Henri IV) va konolesikya ke Medici sposafas yasa ke Firenze kureyed, i ke yasa inkeyasa va ometlaf twom koe varafa Europa. Batdume Catarina de' Medici azu Maria azon vanpiyyid gazikya ke Franca.


François I is aboyikeem koe Chambord lamone va int bascuud. Gazik ke XVI-eafa decemda mal lane lamone kal are tire lakiyyid edje ta gejara me tiyyid. Va tittikafalo soleso me dadiyid. Aboyikeem ken Loire bost dostitayar : François I va Chambord abdiabayar, i va lojulpafe is loderodafe warazafe lamone. Ine bak 1544 zo tenukeyer, weti barda abdi awallera ke gazik.



Koe burmoxavo ke kodapa, warzafa gestuxa zo egad : rostela banviele megrupna : grence is lueze. Ifapol va burmoxasti tudaavar. Jiompan va itaal taplekud : i va kolota is glorda is etta is yaka.



Reyamidura koe lesokvartexo ke Ardèche gola zo voner larde lesok va inafa toa somalgestur. Ikacura va femuse ckane male Italia nover da nyofasik ke Lyon va taneafu rabafu layexo fu reudud.



Rouen bak XVI-eafa decemda : koe bate bartvieleaxe, yambudik va yona amidafa teza ke bartviele epud, i va teza dem kevaido ok siuva. Poopula wan tid elimansafa : bartviele va tanoy bartvielekon dile rogridolantwer. Tanoya decemda ware di

tir adrafa abidfa bartvielek va sespasiki is derdakirafa siuva toz saved. Voxen trula en tid yambaxa roturlicyena gan ant kulapik. Kabduoen roneon azemfo bartviele dem poopuleem rowin reme vliptug kum pistvewuk.

Bat toloy oliuk va ledungxe bulud. Battan moe okol diwan lakir kolive bantan kan marovak buren gan toloy astokol di lakir. Voa ta kovara zo faveveyed. Rhône bost toloyoyokon zo kovafere neke tir rotorsan.



Ambrose Paré tcozbasik koe sulemxo ke Henri II gazik koe Saint-Germain va waikoy ligaber. Ujabolk bak XVI-eafa decemda va ligabera va ayafa awalkoda wan biur batdume batcoba aun mielon zo gisopur. Wori abduxoa ke grupera va ayalto tid kalifa.